



17001

I

Mag. St. Dr.

P

Wiąckowicz Michaëlis: Rendon Swęj
proor Illustri ac Gnoro D. Joanni de
Olesnica Olesnicki etc

PANEG. et VITAE

Polon.

4°
№ 630.

E 32, 412

XENION
Σ Ω Τ Η Ρ Ι Ο Ν :

Illustri ac Generoso Domino,

D. IOANNI DE OLESNICA
OLESNICKI,
PALATINIDÆ LVBLINENSI.
S V B

Felicissimum recens orti Anni initium.
MAGNO AFFECTV VENA LICET
I M P A R I.

A MICHAELE WIĄCKOWICZ
A V S P I C A T O
C O N S E C R A T V M.

Anno restauratæ salutis humanæ,
M. DC. XXXVII.



17001 i



*Fulgida sydereo Crux hac splendore coruscat,
Stirpis OLESNICKI nobile Stemma tua.
Illa tibi fidei lucem tulit, illa triumphos,
Et diadema sacratum, & tulit illa pedum.
Cede Cruci Maiors, Erebi procul esto tyrannes,
Sic te eius pietas Religioq; iubet.*

XENION Σ Ω Τ Η Ρ Ι Ο Ν.



MNIUM pene gentium ac nationum more receptum, & cōsuetudine approbatum est, Illustris & Generose Domine, vt primum illū diem, quo alicui lucē aspicere contigit, partim amici suis amicis, partim subditi, illis, quorū ditionibus laudabilem seruiunt seruitutē, partim vicini sibi adinuicē mutuis gratulationibus exornēt; & quibus pro facultate sua possunt Xenijs venerentur. Regum autem vel Principū fortunatissimū vitæ auspiciū, non lētissimis tantū onerēt vocibus & votis, sed lilijs etiā & rosis venustent, triumphis & tripudijs condecorent, dulcissimis modulis & concentibus ad omnē hilaritatē coactis honorent; quibusuis deniq; gratulantis & gestientis gaudio animi signis & testimonijs instruant & amplificent. Et iure quidē. Si enim tam frequens & nobile factum attentius

quis inspicere, & diligētiōi trutina pēsare volue-
rit faciliē in eam veniet sententiā; applausus istius-
modi, non rationi tantummodo, quæ parens &
iudex cuiusq; honesti est consonare; sed cū ip-
sa etiam alma atq; optima rerum omnium ma-
tre Natura conuenire. Quid enim obsecro rati-
oni conuenientiū esse potest? quā illi, quem
hominē tibi similem vides, non internis tantū
affectibus; sed etiam extra manifestis declarare
humanitatem indicij? Quid aptius naturæ?
quā ei, diem illam, quā primum hominem
(mortalium genus immortalitati consecrare cu-
piens) Solem intueri fecit, acceptam referre? Nisi
fortē Thracum aliquis probare velit consuetudi-
nem, qui natales hominum aspernari quodam-
modo; exitus autem illorum inusitatis celebra-
re lætitijs consueuissent, adeo, vt felicem illam
ac serenam lucem, quæ prima nascentem exce-
pisset hominem flebilibus deturparent Nænijs:
atram autem & tristem nimium, quæ sepulchro
extinctum cadauer intrusisset, omni exultationis
genere honestarent. Et quanquam illi hoc sibi
vſitatum

vsitatum facinus aliqua sapientiæ larua tegere
viderentur; plus tamen (si communi totius or-
bis terrarum iudicio credimus, vanæ alicuius de
humanæ naturæ gloria æstimationis, quàm soli-
dæ pietatis habebant. Etenim vt alia prope infi-
nita taceam exempla & testimonia. Testis est vel
vnica hæc pro omnibus dies Sacrosancta, quâ
primum Deus noster ex Deo ante omnes æterni-
tates genitus, in tempore tandem, Homo in inte-
gerrimæ Virginis augustissimo vtero diuinissimi
atq; Sanctissimi Spiritus Opera factus, istius in lu-
cis vsuram prodijt. Quem vniuersus Orbis ter-
rarum, omnes quotquot cæli terræque ambitu
continetur creaturæ, non funestis aliquibus Næ-
nijs, non funebri squalore, non luctu aut lachry-
mis denigrant; sed omnibus triumphis, gaudijs,
gratulationibus, illustrant. En cælum noua, ne-
que vnquam audita voluptate perfusum, nouum
sydus ad tanti gaudij testimonium effundit. En
aër innumeris cælestium spirituum phalangibus
collucet, & amœnissimis personat concentibus.
En vnda hætenus ori humano insuauis & infi-

pida, nouum induit saporem. En terra, ante, vt
sentes & tribulos tantum gigneret, damnata, me-
dia hyeme salutiferum oliuæ liquorem effundit.
En bruta etiam animantia, omni rationis sensu
carentia, pietatis ac religionis honore fiunt ad-
mirabilia, dum quiete & pabulis, ad quæ naturæ
stimulis coguntur, relictis, ad præsepe illud feli-
cissimum properant, & primum illum ac san-
ctissimum diem supplici veneratione Deo Ho-
mini nato gratulantur: Quid plura? En Augu-
stissima Christi sponsa, gloriosa omnium Chri-
sti nati cultorum Mater Ecclesia, quotannis e-
undem ipsum diem, omni cultu, veneratione,
lætitiâ, gaudio & trophæis, celebrat, exornat, atq;
omni gratulationis genere instruit. Sed ne illa qui-
dem sola duntaxat cōmuni celebritate tam san-
ctum sibi diem gratulatur, sed singuli etiam,
quos suo materno sinu complectitur fideles, hoc
ipso Capite (qui est CHRISTVS IESVS) viuentes,
quasi proprijs affluentes voluptatibus, mutuis se
afficiunt non votis tantum, sed etiâ muneribus.
O diem omni gaudio refertissimam, O lucem

omni

omni splendore illustriorem, ô tempus, quo nul-
lum vnquam nobilius, sanctius, augustius, cælo,
terræ, hominibus, Angelis, atque adeò toti orbi
terrarum illuxit! Hac igitur in communi omniũ
Christicolarum lætitiâ, quâ alter alteri vota sua
passim nuncupat, ego etiam Illustris Domine Ge-
nerosæ Tuæ Celsitudini affectus in Te mei testi-
monium offero. Offero inquam vitam, quæ ho-
die primum vitam mortalem aspexit. vt à vita &
salute Tua omnes ægritudinum arceat iniurias.
Offero Fortunam, non illam quam volubilem &
cæcam olim superstitiosa finxit, & venerata est
antiquitas, sed eam, quam verè fælicitatis fõtem
& originem esse credimus & colimus CHRISTUM
IESVM. Te vt omni fælicitate & fortuna faciat
quàm beatissimum: offero deniq; Deum in car-
ne, qui Te bonis omnibus quâ animæ quâ cor-
poris amplificet, ac omnipotenti sua dextera fo-
ueat & complectatur. Neque putes Illustris Do-
mine hoc primum esse tempus, quo ego Tibi
fausta omnia ac prospera voueo & gratulor.
Hoc enim est scilicet quo omnes boni Illustri cui-
us pre-

uis precari & verbo & animo consueuerunt. Enimuero cum supremus ille totius bonitatis author, vel vt veriùs dicā, bonitas ipsa inexhausta, seipsum nobis in figura humanitatis nostræ offert, quid aliud vult? nisi vt bonum hoc obuijs vlnis quisq; exceptum suis maximè Mæcenatibus gratuletur. Agebat olim soli Massinissa gloriosissimus Numidarū rex, gratias amplissimas, quod priusquam è vita migrauisset, priusquam funesti cineres os caputq; suum oppressissent cōtingerit sibi suo in regno, clarissimum illud Romanæ Reipublicæ lumen videre. Scipionem. Quanto sanè maiores gratiarum actiones nobis par est agere & referre. Soli iustitiæ quòd seipsum, non vni tantum alicui regno, non purpurato solum Principi, non visendis aliquibus palatijs; sed vniuerso orbi terrarum, sed omnibus quicunque ad se properāt hominibus, sed singulis etiam, quantumuis abiectis homuncionibus videndum, palpandum, fruendum, præbuerit. Et quoniam limpidissimum hoc, quod in dies singulos oculos nostros amænissimè recreat. Solis huius corporci lu-

porei lumen, non amat tenebras, non in occultis cauernis delitescit, non obscuras inter sese recōdit caligines; sed omnes mundi anfractus illustrat, omnibus collucet terrę in angulis. Singula & omnia quęcunq; vniuersa hęc mundi molles cōplectitur, inuisit & peruestigat. Sanē hoc cæleste lumen de placidissimo sinu æterni Patris missum, multo magis abhorret tenebras, diffundi in omnes cupit, vbiq; lucere, vbiq; conspici, vbiq; fructus facere vberes exoptat. Apud Athenienses peculiaris fuit Ara Misericordię consecrata. Apud Romanos Asyllum, apud Ægyptios Fanum: quę loca ita veneranda illa antiquitas sacra esse voluerat, vt quicunq; ad ea confugisset, certissimā haberet securitatem. Non illinc alieno ære onustum ad caliginosum trahere carcerē licuit. Non qui per vim aliena rapuisset ad immane trahere supplicium. Non qui se latrocinij, innocentum sanguine turpissimē contaminasset ad funestum rogam, auulsum ducere, & crudelibus flammis scelestum corpus absumere. Non denique vim aliquam; aut vitę salutisq; vel modicam fas

cam fas erat iacturam factitare. Ita salutare loca
illa quibusuis fontibus dabant vltro præsidium,
ab omniq; nece, vi, & internecone tuebantur.
Sed quid illud securitatis fuerat, quod distulit
tantum supplicij tempus non abstulit. Nos si ad
Cunas cælestis huius Regis accurrerimus, non
istam quæ ad tempus aliquod quietem pollice-
tur, sed æternam illam ab omni periculo & dis-
crimine tutam & immunem securitatem conse-
quemur. Nec est difficilis aditus, in propatulo
est, omnes ad se inuitat: Non Pergamū sibi, non
Capitolium deligit, non Basilicam, qualem Poe-
tæ Soli exstruxerant; sed vile iumentorum diuer-
sorium, vt non homines modò, sed bruta etiam
animantia facillimè ad illum accedere valeant.
Hoc igitur tam sancto, tam augusto, tam auspi-
cato tempore, quis adeò durus reperietur, vt non
agnoscere, atque adeò ab omni ratione alienus,
vt non videre; vel adeò ingratus, vt ex hoc boni-
tatis Oceano haurire, & benefactoribus suis de-
ferre nollit. Absit, absit, vt & ego tam amens re-
periar, vt quid Tibi Illustri Dñe. debeam, intelli-
gere non

gere non possim. Vel tam ingratus, vt omnia
fausta non precer & voueam; vel deniq; tam ab
omni pietate extorris, vt occasione vltro se offe-
rēte abutar; Etenim cum omnibus me virtutibus
esse ornatum cupiam; tum nihil est quod ma-
lim, quam me non ingrātū esse & videri. In Adri-
ani Augusti nummo, ex altera parte ciconia, ex al-
tera vitis racemis ornata fuit. Et prisci Reges in
fastigio sceptri ciconiam, in calce hyppotamum
præferabant, quo equidem nihil aliud signifi-
care voluerunt, nisi vt seipso gratæ voluntatis
erga Deum, à quo Regni habenas acceperunt,
commonefacerent; deinde vt omnium mortali-
um generi, quanti gratia momenti esse debeat
commendarent. Præclarè equidem & vt tanta
maiestate dignū fuit. Verū quamuis eiusmodi
incitamenta nulla essent, quamuis hac de re sa-
piens illa antiquitas tacuisset, ipse tamen memor
Celsitudinis Tuæ Illustris, quæ humanitate sua
facile ad se omnium animos allicit, non possum
omnia bona omnibus votis non precari. Viue
igitur vtinam Illustris Domine, & quam celebri-

tatem habent, apud Homerum Vlysses, apud
Virgilium Æneas, apud Xenophontem Cyrus,
apud Curtium Alexander Magnus; hanc eandem
Tu apud gratam posteritatem consequaris. Ad-
sit Tibi viuacitas Nestoris; Diuitiæ Cræsi; robur
Herculis; Gloria Scipionis; Felicitas Metelli: Sed
quid felicitatem Metelli, quid gloriam Scipionis,
quid diuitias Cræsi, commemoro: fuerint illi
felices, fuerint diuites, fuerint gloriosi, nostræ di-
uitiæ, gloria, felicitas CHRISTVS IESVS. Mul-
tò nobis ille maiora, multò meliora pollicetur.
Ille & lucunditatem mærentibus, & Emancipati-
onem seruientibus, & Sanitatem languentibus,
& Vbertatem egentibus, & Satiетatem plenam
omnis gloriæ atque felicitatis esurientibus vltro
offert. Intuere Nomen hoc Sacrosanctum:

IESVS

& hæc

7
& hæc omnia tanquam in lucidissimo speculo
apparebunt. Quinq; sunt in hoc Nomine lite-
rulae, quarum prima primum, alterum altera, &
quæ sequuntur, cætera quæ dicta sunt repræsen-
tant. Hoc igitur nomine habito, ea omnia quæ
in eo continentur, habe. Viue, lætare, omni-
bus bonis, & omni loco & tempore, so-
pes & lætus perfruare,

D I X I.

Et quoniam Tuo illustri pectore omnes com-
plexus es virtutes, en & istæ cum suo singulae
præmio gratulabundæ, Tibi in occursum veni-
unt. En Iustitia Religioni Tux auitæ Immorta-
litate, Prudentia nobilissimo Sanguini Hono-
rem, Fortitudo Virtuti Gloriam, Temperan-
tia Honori, Observantiam
consecrant.



I V S T I T I A.

†

Stea

Pyra-

mis aui-

ta Olesnicii,

quam ab imme-

moti suo, expulsi su-

perstitione gentilitatis tene-

bris, in antiquissima fouit pro-

sapia, pro qua paternum omnibus

opibus celebre solum reliquit, & in Po-

lonia Catholicissima Republica sibi sedem

petiit: pro qua contra impietatem contra illas

immanes Acheronti deuotas animas, contra per-

ditos gentiles, Fortunas, corpus, vitam & salutem ip-

sam, semper animose opposuit. Eius, inquam, auitæ

R E L I G I O N I

debita, nulla temporis obliuione delendam, à nulla in-

iuriose vetustatis tinea consumendam, ab omni futura

atate prædicandam, ab vniuersa, quam ventura diu

ferent æcula, posteritate canendam, ipsi cælo gratissi-

mam, terræ admirabilem, omni generi hominum imitan-

dam, pia memoria, magno affectu, animo incompara-

bili, totius orbis terrarum oculis, testatam facito

I M M O R T A L I T A T E M.

PRVDENTIA.

✠
I

Py-

ramis:

ad astra,

culmine tan-

ge caelos: ipsis

testeris superis in-

clyto Olesniciorum,

nulla: sol dium labe cō-

taminato; nulla cum per-

fida Hæreseos notata dōmo

vel familia copula coniuncto,

semper casto; verecundo; lauda-

bili; glorioso; pio; semperq; Catholico

SANGVINI

talem deberi, qualis ab omni gentium;

nationum, Regnorum, & Imperiorū ordi-

ne, vetustæ olim Spartæ habitus est; qualis

Romanis, Principi olim in toto orbe terrarum

populo, bello, virtute, maiestate, victoriis, tri-

umphis, trophæis, omniq; gloria clarissimo, ab om-

nibus totius mundi angulis, ab omnibus populis, gen-

tibus, nationibus, Regibus, Principibus, sociis, amicis, fæ-

deratis, fieri solebat, nullo licet, nunquam tamen

intermorituro

testimonio

) HONOREM.

FORITVDO

Exangue sto saxum. Non ille
sum Colossus Rhodius: Non
Mausoli Regis piam prædico
immortalitatem: Non Herculis
trophæa, non fabulosam è Ge-
ryonis morte partā victoriam,
aut prostrati Leonis exuvias. Si-
leant fabulæ: Habeat inanis su-
os iactantia apologos. Olesni-
ciæ ipsi Olympo, ipsique ter-
re notissimæ, Augustæ

V I R T V T I

sub qua fædissimè prostrata in-
gemiscit gentilitas, per quam
nobilissima Hæbdancæ profa-
piæ limpidissimè fulget & floret
Familia, propter quam Serenif-
sima Polonæ Monarchiæ exul-
tat Aquila, triumphum canit Re-
ligio, frendet Erebus. Cui fa-
uet cælum, terra applaudet, to-
ta Nobilitas gloriosum decan-
tat IO. Huic vitruti immorta-
lem, diuinum, quam nulla op-
primere nec suffocare poterit
fortuna dico

G L O R I A M.

TEMPERANTIA.

Nemo me luxu-
riosus importu-
na fatiget cupi-
dine. Regia fru-
galitas, quam lu-
xus, liuida que
voluptas insana
temulentia, &
atra infamia me-
tuunt, & ab
inclutis pedibus

atrupem fugam fugiunt

Celesti, Divino,
semperq; amplissimo,
immortali, & omni-
bus sæculis glorioso

HONORI

Domus Olesnicæ, &
Patria, Nobilitate, Ci-
vibus, omni hominū
genere, candidam, flo-
rentem, lætam: ipsa

lata, florens,
candida, nulla
corporis sagina
onusta, libera a-
nimo, oculis, vo-
luntate, debito
cultu, solita fru-
galibus, ac tem-
perantibus ve-
neratione
offero.



OBSERVANTIAM.

C

IOAN-

IOANNES OLESNICKI,

PALATINIDES LVBLINENSIS.

Anagramma.

PENNIS INCLYTA LAVS DE LILIIS,
NONNE BOAS CÆLIS.

*I*nstructa doctis vocibus, quid non Clio
*O*mnisciam gratâ manu tangis chelim;
*A*ttollis, & super astra Olesnici vetus
*N*omen, quod hinc à plurimis seclis fama
*N*epotibus seris celebrandum dedit:
*E*n prædita immortalibus PENNIS (vorax
*S*uis vetustas faucibus quas non edet)
*O*lesnica gentis celebris & INCLYTA
*L*AUS totius mundi volat per angulos.
*E*nixa quam est pia mater Ecclesia
*S*uoq; dudum fouit inclyto sinu
*N*ullis satis celebrata Lechia vocibus.
*I*llustre nomen Olesnici Prosapia
*C*elebris in toto orbe quâ sago & togâ,
*C*ælestis an non æquat ætheris faces
*I*ntende Clio: candidis DE LILIIS.

Petit

Petit suam quæ originem! Nempe Ethnicis
 A sordibus prognata, quæ Polonia
 Lucem attulit? Sanè haud secus quam ut assolent
 Afferre pratis gaudia illa lilia
 Tandem feris de sentibus quæ pullulant.
 Intende item Clio sacri Præsulis
 Nulla tacitura sunt quod sera sacula
 Illud serenum in Zbignei & nomen sacrum
 De lilijs nonne emicuit? ut cum feræ
 Eum spinæ consepserant? nempe effera
 Superbi & atri regis illæ furie.
 Loqui ille verba lilijs vernantia.
 Ut veritatis tum obrutæ verissimus
 Bonusq; Mysta inter furentes impetus
 Licere sibi palam asseribat identidem.
 Itaq; locutus patriæ pro commodo
 Non melius ut & ipsissimam lapsam polo
 Edisserere iam veritatem diceres
 NONNE heus BOAS CÆLIS decus tātū inclytum,
 Sublime Clio? Non? Sile; melos tuum (&
 Iam superat? ipsis cælicis notum choris.
 Sile: Olesnicam cælum capit vix gloriam.

MAGNÆ SPEI INFANTULI
STANISLAI OLESNICKI,
Illustris ac Generosi Domini,
DOMINI IOANNIS
DE OLESNICA
OLESNICKI,
Palatinidæ Lublinensis
FILII.
IN CHRISTI D. NATI CUNAS
PARODIA.

*Faces CHRISTE puer: iaces tenelle
Infans, & roseis genas tenellas
In cunis lachrymis iacens respergis.
Faces parue puer Stanesilae
In cunis, diaspes OLESNICANÆ
Stirpis: & lachrymis iuuas tenellum.
Natum virgineo puellum ab aluo.
Te præsepe tenet levisque casa,*

Immensi

*Immensi pater & creator orbis,
Et quem non spatiosa tecta cali
Valent prendere pro mea salute
Stringit fascia sordidumque stramen.*

*Te pallatia splendidaeque cunae
STANISLAE tenent, decus futurum
Nobilis patriæ. Tuæ futuros
Gloriæ radios solum paternum,
Termini Lechicique non prehendent
Quem nunc fascia tam levis prehendit.
Pastores tibi CHRISTE sacra vota,
Presso poplite conferunt puello.
Melos Angelicum poli Phalanges
Decantant, pecudes citoque gressu
Linguunt pascua quasque obsequellas,
Seu gestant halitu, genu vel usque
Pergrato referunt tibi puello
Reges purpurei solo ex Eoo
Linguentes soliumque coronasque
In tuas veniunt puellæ casas,
In casas humiles leuesque casas.
Non bysso celebres notasque casas,
Vili stramine, sed casas retectas.*

*Auro fulgidulo sacroque thure
Mox myrrhaque beant amariore.*

*Sed te non pecudes, nec & bubulci
Fouent nonque fouet potens Dynasta.
Custos Angelus est tamen tenellum
Te fouet, Deus & fouet tenella
Cingit quem caro pro tua salute.
Hic non aurea te beare gaza,
Non odorifero beare thure
Gestit. Sed Pylis senis beare
Annis, magnificis sed usque Cræsi
Thesauris, celebri sed & Metelli
Fortunâ; Patrij sed & decoris
Gloria, Domus & tuæ perenni
Fama, quæ est super euolans Olympum.
Viue parue puer, puer tenelle
Viue magne puer future magne,
Viue delitiæ tui parentis
Viue gloria patriæ futura,
Viue delictum spei paternæ.
Viue præsidium Lechi futurum.
Viue delictum Lechi coronæ.*

Viue

*Viue delictum sacri senatus.
Viue praesidium decusque stirpis
Olesniciadum, serena fama
Quam semper superas vehit sub arces.*



C R A C O V I Æ,
In Officina Typ. Matthiæ Andreouien.
Anno Domini 1637.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten signature or initials in red ink, possibly reading "J. H. 1. 7."

Biblioteka Jagiellońska



stdr0022124

